

اداره خانه

باب عالی جاده سنده دائره مخصوصه

آبونه سرائطی

ممالک عثمانیه ده سنه لکی (۶۵)، الی
آیلغی (۳۵) غروشدر. ممالک اجنبیه ده
سنه لکی (۱۷)، آلتی آیلغی (۹) فرانقدر.
[ایضاحات: نسخہ سی الی پاره، آلتی
آیلغی بر جلد، هر جلد ۲۶ نسخہ در.]

افطارات

§ آبونه بدلی پشیندر.
§ آدرس تبدیلنده قرق پاره لک
پول کوندرملی در.

§ مسلکه موافق آثار مع الممنونیه
قبول اولنور. درج ایدیلمه یازیلر
اعاده اولونماز.

سرایطی آبونه

سرایطی آبونه ۱۳۳۰

افطارات

رساله مزدن آلتدیغی کوسترلمک شرطیه
بتون یازیلر هر هالکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولسی و آبونه صره نومروسنی محتوی
بولونمسی؟

§

ممالک اجنبیه ایچون آبونه اولانلرک
آدرس لرینک فرانسزجه سی ده یازلمسی؟

§

پاره کوندرلدیکی زمان نه یه دائر اولدیغنک
واضحاً بیلدرلمسی رجا اولنور.

فقیر وقتاوی

فقہ و عبادات اسلامیہ تاریخ مزیدہ :

حج

۱۸

اصحاب کرام ، دشمن طرفندن وقوعه کلن احصار مسئلہ سنی ، احصار آیت کریمہ سنک مقتضاسیہ حدیبیہ سنہسی وقعہ سنہ موافق اولہرق حل ایدرلردی . [۱] ابن مسعود حضرتلری مرض سببیلہ وقوعه کلن احصاری ده برنجی نوعه قیاس ایدرلردی . ابن عمر ، ابن عباس ، ام المؤمنین عائشہ حضراتی ایسہ بو نوع احصاری برنجی نوعه ارجاع ایتزلردی . و دیرلردی کہ : مرض سببیلہ محصور اولانلرک تحمللری (احرامدن جیقملری) ایچون طوافدن سوکرا صفا ایله مروہ آراسنده سعی ایتملری مقتضیدر . باشقه درلو تحملل ایدہ مزلر .

عبادہ بن عمر حضرتلری احصار نقطہ نظرندن عمرہ ایله حج آراسنده برفرق کورمزلردی . بناء علیہ حدیبیہ سنہ سنہ کی عمرہ سنک حکمی ، مجده تشمیل ایدرلردی . [۲]

اصحاب کرام حضراتی « احل لکم صید البحر و طعامه » آیت کریمہ سنہ باقرق محرملر ایچون دکر اولرینک حلالیتہ « و حرم علیکم صید البرمادتم حرما » آیت کریمہ سنک مفاد صریحہ کورده قرہ حیوانلری اولامه سنک حرمتہ قائل ایدیلر . ابن عباس ، انس بن مالک حضراتی ممنوعیتی صیده تخصیص ایله ذبحی تجویز ایدرلردی . اولانسی حرام اولان حیوانلرک قتلی صورتندہ بوبابده ورود ایدن آیت کریمہ [۳] توفیقاً ایکی عدلک تقدیری ازرہ حیوان مقتولک مثل حرم داخلندہ ذبح و یا قیمتی فقراہ تصدق اولنور و یاخود جزا اولهرق اوروج طوتولوردی .

حضرت عمر رضی الله عنه صیرتلان ایچون قوج ، کییک ایچون کو-چو کجه دیشی کچی ، طوشان ایچون دیشی کچی ، یسان فارسی ایچون ده دورت آیلق کچی اوغلاغی ایله حکم ایدیوردی . عمر بن

[۱] عن نافع ان ابن عبد الله بن عمر رضي الله عنه حين خرج الى مكة متمراً في الفتنه ل ان صددت عن البيت صنعت كما صنعنا مع رسول الله صلى الله عليه وسلم فاهل بعمرة من اجل ان رسول الله صلى الله عليه وسلم كان اهل بعمرة عام الحديبية - بخاری -

[۲] عن نافع ان عبيد الله بن عبد الله وسالم بن عبد الله اخبراه انهما كلما عبد الله واشهدكم اني قد اوجبت العمرة ان شاء الله انطلق فان خلى بيني وبين البيت طفت وان حيل بيني وبينه ففعلت كما فعل النبي صلى الله عليه و لم وانامه فاهل بالعمرة من ذي الحليفة ثم سار ساعة ثم قال انما شأئنا واحد اشهدكم اني قد اوجبت حجة مع عمرتي فلم يحل منهما حتى حل يوم الحرة واهدي وكان يقول لا يحل حتى يطوف طوافاً واحداً يوم يدخل مكة - بخاری -

[۳] يا ايها الذين آمنوا لا تقتلوا الصيد وانتم حرم ومن قتله منكم فجراته مثل ماقتل من النعم يحكم به ذوا عدل منكم ... الخ - سورة مائده -

الخطاب ، علي بن ابي طالب ، عثمان بن عفان ، ابن مسعود حضراتی بويوك جتهلی شكارلرک كندیلرینه معادل اوله جق بويوكلر ایله . کوچوكلرک ده کوچوكلر ایله تضمین ایدیلسی جهتی التزام ایتدکلی مرویدر .

علی رضی الله عنه دن روایت اولندیغه کورده دوه قوسی یهورطه سی اتلاف ایدن محرمک دیشی دوه سنی لقاحه عرض ایدوب حصوله کله جک یاوروی ذبح ایتمی مقتضیدر . ابن عباس ، ابن مسعود حضراتی ایسہ دوه قوشی یهورطه سنده اعطای قیمت ایله حکم ایدرلردی . چکرکه اتلاف ایدن محرمک حضرت عمره کوره بر پارچه طعام ، ابن عمره کوره علی الاطلاق آزاجق برشی ، ابن عباسه کورده خورما تصدق ایتمی لازمدر .

..

اصحاب کرام حضراتی باشنده برخسته لنی و یاخود اذا وراحتسزلنی بولنان کیمسه نك حلق ایتمی جائز اوله جنی حقنده متفق ایدیلر . شوقدر وارکه حلق ولولمذرة اولسون محظورات احرامدن برینی ارتکاب دیمکدر . آنکیچون فدیہ اولق اوزره اوچ کون اوروج طوتمق و یاخود فقرادن النی کیمسه یارمیشر صاغ لقدن ایتمک و یاخود برقان آیتتمق لازم کله چکنه قانع ایدیلر . [۴] ذاتاً « فن کان منکم مریضاً او به اذی من رأسه ففدیة من صیام او صدقة او نسک » آیت کریمه سی ده بونی تأیید ایدیوردی .

حضرت ابن عباس باشک خسته لنی جراحت ، چیان و سوبلجه لردن ؛ اذا وراحتسزلنی ده کلهه کبی هوام و حشرانک بولنسندن عبارتدر ، دیرلردی .

بین الاصحاب فدیہ نك محل اجراسی حقنده اختلاف واردی . حضرت مجاهد هرزده ایسه جائز اوله جغه قائل ایدی . حضرت ابن عباس ایسه قان آقیمق نوعندن اولانلرک مکده و قالانلرینک ده ایستلیدیکی یرده اجراسی جائز اوله جغه ذاهب ایدی .

اصحاب کرام حضراتی معنای اعمله [۵] متمتع اولانلره هدی و یاخود - اوچی اثنای مجده ، یدیی صوکره اولق اوزره - اون کون اوروجدن عبارت اولان کفارت لازم کله جکی حقنده متفق بولنیورلردی . ذاتاً « فن تمتع بالعمرة الى الحج فما استيسر من الهدى فمن لم يجد فصيام ثلثة ايام في الحج وسبعة اذا رجعتم تلك عشرة كاملة ... » آیت کریمه سی بوبابده نص صریح اولدیغندن اختلافه محل بیراقه یوردی . ابن عمر حضرتلری آیت کریمه ده مذکور اولان « هدی » ی ابل و بقر ایله تفسیر ایدرلری . بناء علیہ ابن عمره کوره متمتعک دوه و یاخود صیغیر

[۴] عن كعب بن عجرة رضي الله عنه عن رسول الله صلى الله عليه وسلم انه قال لعلي اذاك هوامك ؟ قال : نعم ، يا رسول الله ؛ فقال رسول الله صلى الله عليه وسلم : احلق رأسك وسم ثلاثة ايام او اطعم ستة مساكين او انسك بشاة . - اخرجه البخاری -

[۵] بوقاروده کچدیکی وجهله « متمتع » بعضاً قراندن اعم اولان معنایه ده اطلاق اولنور .

ذبح ایتسی مقتضی اولوب بونا مقتدر اوله مدینی صورتده اوروج طومسی لازم کلیر .

فلسفه

تناسخ عقیده سی

قدیم مصر بیره کوره تناسخ

شرق که غرائب شئونک جلوه کاهیدر، عینی زمانده اسرار انکیز تخيلاتک ده منبع فیاضی عد اولنه بیلیر. کائناتی تبع ایتک فکری ایلک اول شرقده دوغمش، درین دوشونجی فیلسوفلر اک اول شرقک محیط سحارنده پرورشیا کمال اولمشدر .

هندک، چینک، بابلک، مصرک ونهایت مهد اساطیر اولان یونان قدیمک متفکر دماغلری کائناتی تبع ایتکلری زمان کندیلرینی حیرت بخش حادثات عجیبه قارشوسنده بولمشلردی. بوفلسوفلر کوربورلردی که سطح ارض برصحنه انقلاب، برمشهر حادثاتدر: طوپراغه دوشن بر دانه مرور زمانله جسم بر آغاجه؛ علی العاصده بریومورطه رنگارنگ تویلری، حزین نغمه لری ایله قلبلری تسخیر ایدن بر قوشه؛ نهرلرده آقان، دکزلرده طوران صولر بخاره، بخارلر بولوته، بولوتلرده تکرار یاغوره منقلب اولیورلر. بر اودون پارچه سی اولا آتسه، صوکره کوله تحول ایدیور. جهانده وقوعه کلن بوکبی تبدلات لاینقطع دوام ایدوب کیدیور. بر آزاها درین کورنلر، خفایای کائناتی بر آزاها فضلجه تعمیق ایدنلر ایسه همان همان غیر مرئی بر نقطه ننگ مرور زمانله بر قورده تحول ایتدیکنی، بر مدت صوکره ده بو چیرکین ومستکره قوردک رنگارنگ لوزلر، نارین ودلبر بر قنادلرله مجهز بر کلک حاله کچدیکنی کوریورلردی...

قوانین فطرتی شمولی بر صورتده احاطه دن عاجز قالان دماغلر بوکبی حادثات عجیبه قارشوسنده حیرتدن حیرته دوشیور. قیاسات ذهنیه لرله بولردن غریب غریب نتیجه لر چیقارمغه چالیشیورلردی. اسکی فیلسوفلر جهانده کوریلن هر حادثه ننگ بشریت دهده بر نظیری اوله جفته قانع بولنیورلردی. بو قناعتدرکه تناسخ فکرنی تولید ایلمشدر. جهانده هر موجودک استحالات متنوعه یه معروض قالدیغنی کورن فیلسوفلر کندیلرنجه اشکال خفیفه دن عبارت اولان ارواحک ده استحالاته اوغرادیغنی تحیل ایتکده بر محذور کورمه مشلردی. اوله یا، کائناتده بوکبی استحالاتک بیکلرجه نمونه سی یوقی؟ او حالده هر شیئک بر نظیرینی جامع اولان بشریت ایچونده بویله بر استحالته تصویرینه نه مانع واردر؟..

تناسخ عقیده سی احتمالک انسانی تک اک کهنه عقائدندن بریدر. انسال ماضیه دن ملیونلرجه افراد بو عقیده یی بسله مشلر، بدنلری چورویوب محو اولسه بیله روحلرینک باشقه قالبلرده یاشایه جنی

اوتهدنبری متداول اولدیغنی وجهله بین الاصحاب انشای حجه کسینلن قربانلره « هدی » اطلاق اولنوردی. ابن عمر رضی الله عنهما هدایده آنجق « تنی » جائز اوله جفته قائل بولنیورلردی. اصحاب کرام پیغمبر اقدمزدن کوردکاری کبی هدیلری تقلید ایدرلردی. انشای تقلیده هدیلرینی قبله یه توجیه ایدوب یوقاروده سویلندیکی اوزره - دوه اولدیغنه کوره - دامغه لارلردی. ام المؤمنین حضرت عائشه قویونلری ده تقلید ایدیلکده اولدیغنی روایت ایدردی [۵] بالطبع دوه دن باشقه لری دامغه لانا زدی. ابن عباس حضرتلری دامغه ننگ صاغ طرفده، ابن عمر حضرتلری ایسه صول طرفده یاییله جفته قائل اولورلردی.

اکلاشلدیغنه کوره اصحاب کرام حضرتی اکثریت اعتباریله فعل نبوی یه موافق اوله رق هدیلرینی خارج حرمدن تدارک ایدرلردی. ابن عمر حضرتلری داخلی حرمدن تدارک اولنان هدیلری عرفات وقعه سنده حاضر بولندیره رق جبر نقصان ایتک مستحب اولدیغنه قائل اولیورلردی. بین الاصحاب رکوب هدیک جوازنده اختلاف ایدلیدی. حضرت جابر ضرورت ملجئه اولمدقجه رکوب هدینی تجویز ایتزدی. انس و ابو هریره حضرتلری ایسه رکوب طریقله هدیدن استفاده یی [۶] جائز کوریرلردی.

تطوع هدیلری محل نحرلرینه واصل اوله دن ضعیفلیه رک بولده دوشوبده بوغازلاندق لرینه کوره اترلندن یمک جائز اوله میه جنی حقنده اتفاق واردی. علی بن ابی طالب، ابن عباس، ابن مسعود حضرتلندن مروی اولدیغنه کوره بوکبی هدیلرک اترلن ینلرک ویدیرنلرک، قیمت ما کوله معادل ینیله جک برشی ایله تصدق ایتهلری ایجاب ایدر. محل نحره واصل اولوب ذبح ایدیلن هدیلرک اترلرینی یمک جائز اوله جنی حقنده بین الاصحاب اتفاق واردی. [۷] شوقدرکه ابن عمر حضرتلندن مروی اولدیغنه کوره نذر سبیله واجب اولان قربانلرک اترلرله، جزای صید اوله رق کسینلن حیوانلرک اترلندن یمک جائز اوله - میه جنی حقنده بر تناعت موجود ایدی. [۸]

حلیم ثابت

[۵] بن عائشه رضی الله عنهما لک کنت اقل القلائد لانی صلی الله علیه وسلم فیلقد الغنم وبقیم فی امله حالالا - اخرج البخاری -

[۶] عن ابی هریره رضی الله عنه ان رسول الله صلی الله علیه وسلم رأی رجلا یسوق بدنة فقال ارکها فقال انها بدنة فقال: ارکها وبلک فی الثائمة اوفی الثانیة . عن انس رضی الله عنه ان النبی صلی الله علیه وسلم رأی رجلا یسوق بدنة فقال ارکها قال انها بدنة قال ارکها قال انها بدنة قال ربهما ثلاثاً .

[۷] عن ابن جریج حدیثنا عطاء سمع جابرن عبد الله رضی الله عنهما یقول کنا نأکل من لحوم بدننا فوق ثلاث منأ فرخص لنا النبی صلی الله علیه وسلم فقاله کلوا وتزودوا فأکلنا وتزودنا . . . اخرج البخاری -

(۸) عن ابن عمر رضی الله عنهما لا یؤکل من جزأ الصید والدورویؤکل مما سوی ذلک وقاله عطاء یأکل ویطم من المتعة . - بخاری -